

Norsk Institutt for Naturforskning
Postboks 5685 Torgarden
7485 TRONDHEIM

Trondheim, 08.08.2020

Dykkar ref.:
[Dykkar ref.]

Vår ref. (bes oppgitt ved svar):
2020/10993

Sakshandsamar:
Karen Lone

Løyve til innfanging, flytting og innsetting av fjellrevkvalpar i avlsstasjon for fjellrev

Norsk institutt for naturforskning (NINA) ved Craig Jackson gjevast løyve til å fange inn inntil 3 fjellrevkvalpar i Trøndelag og Innlandet fylke, samt å flytte og sette kvalpane inn i avlsstasjonen for fjellrev på Oppdal.

Bakgrunn

Syner til søknad frå NINA ved Craig Jackson 6. august 2020 om levandefangst av fjellrevkvalpar for å styrke avlsarbeidet ved avlsstasjonen for fjellrev. NINA har gjeven ei fylldigare utgreiing om situasjonen i avlsstasjonen og behovet for nye avlsdyr i møte med Miljødirektoratet 5. august 2020. Det er aktuelt å fange ein kvalp frå Snøhetta i Lesja kommune og to kvalpar frå Blåfjellet i Lierne kommune.

Vurdering

Søknaden er behandla etter forskrift 1. april 2020 om skadefelling, dødt vilt og bruk av vilt i oppdrett, forskning og dyrepark (viltforskrifta), jf. også lov 19. juni 2009 om forvaltning av naturens mangfold (naturmangfoldloven), § 18 f, samt forskrift 23. januar 2015 om fjellrev (*Vulpes lagopus*) som prioritert art.

Det er søkt om innfanging av fjellrev til avlsstasjonen for fjellrev. Dette faller under bestemmelsen om innfanging av vilt til andre særlege formål, noe Miljødirektoratets kan gje løyve til, jf. viltforskriften § 2.2 første ledd. I viltforskriften § 2.11 andre ledd står det:

"Når søknaden avgjøres skal det særlig legges vekt på formål og behov for innfangingen, bestandssituasjonen, dyrevelferd for dyret og dets avkom, mulige virkninger på naturmangfoldet og andre samfunnsmessige hensyn".

Etter naturmangfoldloven § 7 skal prinsippa i loven §§ 8 til 12 leggest til grunn som retningslinjer ved utøving av offentlig myndighet. Offentlige avgjørelser som kan få følger for naturmangfoldet skal så langt det er rimelig bygge på eksisterende og tilgjengelig kunnskap om artars bestandssituasjon samt effekten av påverknad, jf. naturmangfoldloven § 8.

Avlsstasjonen vart oppretta i 2005 og har som formål å avle fram fjellrev for seinare utsetting i område der arten er utdøydd eller er fåtalig. Det har typisk blitt produsert 20 - 60 kvalpar for utsetting årleg, noko som gjev eit monaleg bidrag til den ville fjellrevbestanden. Avlsprogrammet fungerer også som ein buffer mot tap av genetisk variasjon. Dei fyrste avlspara er henta som kvalpar frå alle restbestandene av fjellrev, og gjenspeiler heile den genetiske variasjonen hos fjellrev i Skandinavia. Planmessig utsetting vil derfor også bidra til å auke genetisk utveksling og motvirke genetisk isolasjon. Avlsprogrammet rekrutterer nye generasjonar med avlsdyr frå eigen produksjon, men har også behov for å fange inn nye dyr frå naturen for å vidareføre og oppnå god effekt av tiltaket med avl og utsetting. Behovet og formålet med avlsprogrammet er særleg vektlagt i behandlinga av søknaden, jf. viltforskriften § 2.11.

Dei positive verknadane av avlsarbeidet for fjellrevbestanden gjev grunnlag for å dispensere frå det generelle forbodet mot einkvar form for uttak av fjellrev, jf. § 3 i forskrift 23. januar 2015 om fjellrev (*Vulpes lagopus*) som prioritert art. Miljødirektoratet dispenserer frå § 3 med heimel i § 6 i same forskrift, når det her innvilgast løyve til innfanging.

Direktoratet vurderer naturmangfoldloven §§ 9, 11 og 12 som ivaretatt i kraft av formålet med avlsstasjonen og vilkåra i løyvet.

Løyve

Med heimel i forskrift 1. april 2020 om skadefelling, dødt vilt og bruk av vilt i oppdrett, forskning og dyrepark, gis NINA ved Craig Jackson løyve til innfanging, flytting og innsetting av inntil tre - 3 - fjellrevkvalpar til avlsstasjonen for fjellrev på Oppdal.

Følgande vilkår gjeld for løyvet

- Løyvet gjeld frå 18. august til 10. september 2020, og gjeld innfanging av inntil tre fjellrevkvalpar. Fangstforsøk skal kun skje på følgande hilokalitetar registrert i Rovbase: Blåfjella: F-NNT-022, F-NNT-021. Snøhetta: F-NOP-021, F-NOP-070, F-NOP-023.
- Craig Jackson gjevast fullmakt til å la andre utføre fangsten på sine vegne. Fullmakta til å utføre fangsten skal vere skriftleg og syne til dette løyvet. Dette løyvet, samt evt. fullmakt, skal alltid tas med under fangst/merking, og vises fram på førespurnad til grunneigar, kommune, Statens naturoppsyn og politi, jf. viltforskrifta § 2.2.
- Det er ein føresetnad at innfanging og bruk av fangstreiskapar gjerast av personar som har nødvendig opplæring for innfanging og merking av fjellrev. Fangstreiskapar skal merkast med navn og telefonnummer når dei sett ut, også når dei ikkje er i bruk, jf. viltforskrifta § 2.12.
- Alle nødvendige løyve frå Mattilsynet og aktuelle vernemyndigheitar må liggje føre før innfanging tar til.
- Fangst må varslast og koordinerast med SNO/Fjelltjenesten. Grunneigar skal varslast før aktiviteten finn stad, jf. viltforskrifta § 2-13.

- Ein kortfatta oppsummering av resultatet frå fangsten og andre vesentlege hendingar relatert til innfanginga og transporten skal rapporterast til Miljødirektoratet i den årlege rapport frå Avlsprogrammet for fjellrev.

Klagerett

Vedtaket kan klagast til Klima- og miljødepartementet innan 3 veker frå dette brevet er mottatt, jf. forvaltningslova §§ 28 og 29. Klagen skal grunngjevast og sendast til Miljødirektoratet.

Helsing

Miljødirektoratet

Dette dokumentet er elektronisk godkjend

Knut Morten Vangen
seksjonsleder

Karen Lone
seniorrådgiver

Tenk miljø - vel digital postkasse frå e-Boks eller Digipost på www.norge.no.

Kopi til:

Nina - Craig Jackson